



Nuuk 30. September 2011

Inatsisartut suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut Apeqqut:

- 1. Sinerissap qanittuani aqutsiveqarfimmi Qeqertarsuup tunuani qaleralittassiissutit 2011-imi 8000 tons-iusut aalisarlugit tamakkernissaat naatsorsuutigineqarpa?**
- 2. Qeqertarsuup tunuani qaleralittassiissutit tons-it qassit sinneruppat?**
- 3. Biologit siunnersuineranni 2012-imut qaleralittassat aqutsiveqarfimmi Qeqertarsuup tunuani 8000 tons-it siunnersuutigivaat?**
- 4. Aalisartut 2011-ip ukiup sinnera saarullinnik tunitsivinnut tuniseqqinnissartik Naalakkersuisunit periarfissamik tunineqassappat?**
- 5. Aalisartut saarullittassinneqanngikkunik sunik allanik Naalakkersuisut aalisartunut periarfissiinissaminnik isumaliuteqarpat?**

(Inatsisartuni ilaasortaq, Kristian Jeremiassen Siumut)

Tunngavilersuut

Naalakkersuisut politik-iat eqqarsaatigalugu annilaanganartutut isigivara Qasigiannguani Ilulissanilu ukiup naalernerani suliffissuit unittooratarsinnaanerit qaleralittassaaruttoqassappat.

Maannakkut Uummannami 1. Oktober 2011-ip tungaanut qaleralinniartoqarsinnaanngilaq aammalu saarullinniarneq utsinneqalerpoq 25. September 2011-imiit, qaleralittassallu Qeqertarsuup tunuani nungussappata Naalakkersuisut politik-iat malillugu aalisartut sulisartullu angerlatiinnarneqassapput Qasigiannguani Ilulissani nunaqarfinnilu qaleralinniarfinni.

Taamaamat paaserusuppara Sinerissap qanittuani aqutsiveqarfimmi Qeqertarsuup tunuani qaleralittassiissutit 2011-imi 8000 tons-iusut aalisarlugit tamakkernissaat naatsorsuutigineqarpa?

Aappaatullu paaserusullugu Qeqertarsuup tunuani qaleralittassiissutit tons-it qassit sinnerunnersut.

Pingajuattullu paaserusuppara Biologit siunnersuineranni 2012--imut qaleralittassat aqutsiveqarfimmi Qeqertarsuup tunuani 8000 tons-it siunnersuutigisimaneraat ukioq mannatuut.

Sisamaattut paaserusuppara aalisartut 2011-ip ukiup sinnera saarullinnik tunitsivinnut tuniseqqinnissartik Naalakkersuisunit periarfissamik tunineqassappat?

Tallimaattullu paaserusuppara aalisartut saarullittassinneqanngikkunik sunik allanik Naalakkersuisut aalisartunut periarfissiinissaminnik isumaliuteqarpat?

Qinnutigivara apeqquteqaatikka ullut suliffiusut qulit iluanni akineqareersimanissaat.

Kristian Jeremiassen, Siumut.